

СВЯТИТЕЛЬ ДИОНИСИЙ

АРХИЕПИСКОП
СУЗДАЛЬСКИЙ



СЛУЖБА · АКАФИСТ · ЖИТИЕ

Сборник
Дионисий Колесник
Святитель Дионисий,
архиепископ Суздальский.
Служба. Акафист. Житие

Текст предоставлен правообладателем

http://www.litres.ru/pages/biblio_book/?art=32533686

*Служба. Акафист. Житие / Святитель Дионисий, архиепископ
Суздальский: Московское Подворье Свято-Троицкой Сергиевой Лавры;*

Москва; 2003

ISBN 978-5-7789-0130-5

Аннотация

Служба о святителе Дионисии, архиепископе Суздальском, – последняя, выход в свет которой благословил Высокопреосвященнейший владыка Николай незадолго до своей блаженной кончины, последовавшей 21 июня 2001 года. Светлой памяти почившего в Бозе архипастыря посвящают издатели свой труд.

Содержание

Служба святителю Дионисию, архиепископу Суздальскому	5
На велицей вечерни	5
На утрени	10
Конец ознакомительного фрагмента.	13

Святитель Дионисий, архиепископ Суздальский Служба. Акафист. Житие

По благословению митрополита Нижегородского и Арзамасского Николая

ИЗДАТЕЛЬСТВО
МОСКОВСКОГО ПОДВОРЬЯ
СВЯТО-ТРОИЦКОЙ СЕРГИЕВОЙ ЛАВРЫ



Служба святителю Дионисию, архиепископу Суздальскому

На велицей вечерни

На Гóсподи, воззва́х: стихи́ры на 8, глас 5

Подóбен: Ра́дуйся, Живоно́сный Кресте:

Ра́дуйся, Киево-Пече́рское воспита́ние,/ собесéднице и спóстнице преподóбному Сёргию./ Ра́дуйся, Нижегородская земли́ подви́жнице,/ преподóбных Евфíмия и Мака́рия на-ста́внице./ Ра́дуйся, Вознесе́нская обители́ нача́льнице/ и Су́здальская земли́ архипа́стырю./ Ра́дуйся, о всей земли́ Росси́стей тёплый моли́твеннице/ и пред Бо́гом надёжный засту́пнице./ Ра́дуйся, святителю́ о́тче Диони́сие.

Ра́дуйся, Вели́кия Ла́вры о́трасле духо́вная,/ смире́нием, терпе́нием и постóм всех удиви́вый./ Ра́дуйся, на брега́х Во́лги обитель чу́дную основа́вый/ и храм Вознесе́ния Господня́ устро́ивый./ Ра́дуйся, мно́жество ино́ков собра́вый/ и нача́льником от Христа́ над ни́ми поста́вленный./ Ра́дуйся, двана́десять ино́ков на про́поведь Ева́нгелия посла́вый/ и во страны́ и гра́ды ве́рхняя напра́вивый./ Ра́дуйся, святителю́ о́тче Диони́сие.

Ра́дуйся, святителю́ о́тче Диони́сие,/ Су́здальския страны́
храни́телю./ Ра́дуйся, моля́щимся крѣпкое упова́ние/ и хри-
стиа́ном му́дрый учи́телю./ Ра́дуйся, Правосла́вия ревни́те-
лю/ и благоче́стия храни́телю./ Ра́дуйся, е́реси стригольни-
ков обли́чителю/ и неуста́нный в трудѣх святителю./ Ра́дуй-
ся, всем нам засту́пниче необори́мый/ и пред Бо́гом те́плый
предста́телю.

Ра́дуйся, Це́ркве Правосла́вныя све́тлое украше́ние/ и
Христо́вых за́поведей изве́стный храни́телю./ Ра́дуйся, зем-
на́го оте́чества на́шего све́тлое ра́дование/ и заблуждших к
свету богопозна́ния путево́дителя./ Ра́дуйся, мона́хов пре-
дѣвны́й наста́вниче/ и мирски́х челове́к те́плый засту́пниче./
Ра́дуйся, Су́здальскаго уде́ла украше́ние/ и Нижегородска-
го кра́я удобре́ние./ Ра́дуйся, я́ко Росси́йския земли́ свето-
за́рное свети́ло яви́лся еси/ и храм Ду́ха Всесвята́го обрѣлся
еси́,/ ра́дуйся, предѣвны́й иерарше́ Диони́сие.

Ра́дуйся, во епи́скупа Ни́жняго Нова́града поста́влен-
ный,/ осия́нием добродѣ́телей хри́стиа́нских всеукра́шен-
ный./ Ра́дуйся, от е́реси стригольников защи́тниче му́же-
ственны́й/ Це́ркве и всея́ земли́ Росси́йския яви́выйся./
Ра́дуйся, и́же Божѣ́ственною ре́вностию распала́емый,/ разо-
ри́л еси́ тьму ерети́ческаго нече́стия./ Ра́дуйся, му́дростию
словѣс твои́х кня́зя му́жески обли́чивы́й,/ правосла́вныя за-
ко́ны утвержда́я./ Ра́дуйся, в Константи́не гра́де всех свои́ми
добродѣ́телями удививы́й/ и за ре́вность ве́лию о Го́споде/
митрополи́том Ру́сская земли́ поста́вленный,/ святителю́ о́т-

че наш Дионісие,/ ты же молися о спасеніи душ наших.

Слава, глас 6

Великія Кіево-Печерскія Лавры отрасль духовная был еси,/ на реку Волгу с иконою Божія Матере пришёл еси/ и на ея брегáх, близ Нижняго Новáграда, чудную обитель устроил еси,/ постом, молитвою, слезáми весь край сей освятивый/ и множество иноков в ней собравый,/ духовно возрастивый и во ангельскій образ посвятивый/ Евфимія преподобнаго и Мака́рія досточуднаго,/ с нимиже молися, святителю отче Дионісие,/ даровати нам велию милость.

И ныне, Богородичен: Кто Тебѣ не ублажит:

Вход. Прокімен дне. Чтения три.

Притчей чтѣние (главы 3 и 8); Притчей чтѣние (главы 10 и 11); Премудрости Соломоновы чтѣние (глава 4).

На стиховне стихиры, глас 1

Подобен: Небесных чинов: Предивный иерарше Дионісие,/ житіем со Христом соединился еси,/ чресла любовію препоясал еси,/ смиренных путь познал еси,/ светильник веры украсил еси/ елем милосердія и милости./ Тем с мудрыми вшел еси в Небесный Чертог,/ идеже, предстояй Владыце Христу,/ молися, да услышим вопль, призывающий в полунощи,/ и вси изыдем готви в срѣтение Ему.

Стих: Священницы Твой облечутся в правду,/ и преподобнии Твой возрадуются.

Вмале был еси верен, преблаженне Дионисие,/ над многими ты постави Господь,/ темже и прославился еси/ добродетельнаго жития образом,/ Того законоположением последуя,/ яко истинный делатель винограда Христова явился еси/ и возшел еси в радость Господа твоего,/ Емуже ныне предстои, молишися о душах наших.

Стих: Блажен муж, бояйся Господа,/ в заповедех Его восхощет зело.

Ревнителю благочестия,/ изрядный делателю винограда Христова,/ Священных Писаний совершенный познателю,/ преданием прилежный исполнителю,/ ихже приял еси от Христа Бога/ и святых Его апостолов,/ темже явился еси светильник Церкви, святителю Дионисие,/ не престаи моляся о всех, к твоей помощи прибегающих.

Слава, глас 6

Мирский мятеж оставил еси/ и взем крест, последовал еси Христу,/ преподобных Антония и Феодосия/ ученик добродетельный явился еси,/ Бога возлюбивый всем сердцем,/ тесным путем шествовал еси,/ любовью Христовою утверждаяся,/ и ныне, на свое стадо с Небес взирая,/ молися Господеви помиловатися душам нашим.

И ныне, Богородичен: Творец и Избавитель:

Тропа́рь, глас 8

Правосла́вия ревни́телю,/ благоче́стия наста́вниче,/ и́щущим спасе́ния до́брый ко́рмчие,/ мона́шествующих богодух-
нове́нное украше́ние,/ богоно́снаго Евфи́мия собесе́дниче,
святи́телю Диони́сие,/ уче́ными и добродете́лями оте́чество
твоё просвети́л еси́,/ не забу́ди нас, чту́щих тя,/ но в ми́ре
упра́ви живо́т наш.

На утрени

**На Бог Господь: тропарь святаго, дважды.
Слава, и ныне, Богородичен.**

По 1-й стихологии седален, глас 8

Равноангельно во обители Печерстей пожил еси,/ преподобных отец житию последовав,/ и обитель яко град на горах поволжских основал еси,/ в нейже множество иноков собрав,/ образ им для подражания явился еси./ Ныне же, предстоя Престолу Владыки всех, преподобне Дионисие,/ испроси мир миру, стране Российстей утверждение/ и спасение душам нашим.

Слава, и ныне, Богородичен

Дева Всенепорочная, Пресущественнаго Бога рождающая человеком,/ со преподобным Того непрестанно моли о нас,/ согрешений оставление и жития исправление нам прежде конца даровать,/ верую поющим Тя по долгу, Единая Всепетая.

По 2-й стихологии седален, глас 4

На земли, яко Ангел, с плотию пожил еси,/ святителю Христов Дионисие,/ добродетельным житием украсився,/ молитвою с Богом соединився,/ бдением от напастей

врага сохранився,/ труды милосердия весь освятится и над
страстьми воцарится,/ темже пришедше ко Владыце Хри-
сту,/ моли верно чтущим тя грехов оставление даровати/ и
велию милость подати.

Слава, и ныне, Богородичен

Божественная была еси сень Слова, Единая Пречистая
Дева,/ чистотою Ангелы превосходящая,/ мене, паче всех
перстию бывшего, осквернена плотскими прегрешеньми,/ очисти
Твоими молитвами,/ Божественными водами омы-
ваючи и подаючи, Чистая, велию милость.

По полиелееи седален, глас 1

Яко звезда днесь пресветла, святителю отче Дионисие,
от Киева Великаго возсиял еси/ и Церковь Божию своими
добродетельми украсил еси,/ сердца просвещаючи всех к
твоему заступлению притекающих;/ души верою и любовью
тя песнословящих николиже во своих молитвах не остав-
ляеши;/ страстей и козней диавольских свобождаеши всех
чествующих святую память твою.

Слава, и ныне, Богородичен

Яко всем скорбящим истинное утешение/ и заблуждшим
от истиннаго пути правое наставление,/ предстани скоро
нам, Пречистая Богородительнице,/ и люте обидимых от
напастей избави./ Вся бо можеша, елико хощеша/, имущи

дерзнове́ние к Сы́ну Своему́ и Бо́гу./ Егóже умоли́ Ма́терни-
ми Свои́ми моли́твами,/ согреше́нием прощё́ние дарова́ти/
благочестному́дренно почита́ющим Рожде́ствó Твое́.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.